



COMISSÃO DA FUNÇÃO PÚBLICA



MAI ITA HATENE KONA- BA LAE BA  
ASÉDIU SEKSUÁL IHA FUNSAUN PÚBLIKA




## SAIDA MAK ASÉDIU SEKSUÁL ?


Asédiu seksuál mak hahalok ida ne'ebé halo laho hakarak ho natureza seksuál, ho forma verbál eh lae verbál, ne'ebé afeta ema ida-nia dignidade (feto eh mane), hanesan halo observasaun ka komentáriu seksuál, hatudu pornografia, husu favór seksuál, iha ne'ebé halo ema seluk ta'uk, moe, halakon amizade no hamosu instabilidade ba vítima.

Hahalok saida de'it mak konsidera nu'udar asédiu seksuál?

Hahalok sira ne'ebé sai nu'udar ezemplu husi asédiu seksuál mak, hanesan:

- Halo relasaun seksuál ho ema seluk;
- Iha kualkér tipu intimidade seksuál ho ema seluk;
- Hakuak eh re'i ema seluk eh kaer halimar fuuk eh ema seluk nia isin-lolon;
- Kose isin lolon kona ema seluk nia isin-lolon;
- Haka'as ema seluk atu kaer nia isin-lolon;
- Hatudu orgaun jenitál ba ema ida eh ba ema grupu ida;
- Halo jestu seksuál ho liman eh ho movimentu isin-lolon nian;



- 
- Husu eh ezije kualkér aktu seksuál eh favór seksuál;
  - Konvida hodi sai hamutuk ( hodi halo enkontru);
  - Halo lian hanesan ema re'i eh jestu ruma ne'ebé hanesan manda beiju (re'i);
  - Konta lia bosok eh halo rumores kona-ba vida seksuál ema idan nian
  - Halo pergunta kona-ba vida seksuál ema seluk nian;
  - Diskuti vida seksuál ema ida nian ho ema seluk;
  - Husu kona-ba fantazia seksuál sira, preferénsia seksuál eh istória seksuál ema seluk nian;
  - Diskuti tema seksuál sira;
  - Halo komentáriu seksuál kona-ba ropa, anatomia eh aparénsia ema ida nian;
  - Provokasaun seksuál sira eh konta anedota ho teor seksuál;
  - Halo komentáriu seksuál sira insinuação sexual eh linguajen ho konotasaun seksuál;
  - Haruka karta eh mensajen eskrita ho konotasaun seksuál eh



## SAIDA MAK ASÉDIU SEKSUÁL?

Asédiu seksuál mak hahalok ida ne'ebé halo laho hakarak ho natureza seksuál, ho forma verbál eh lae verbál, ne'ebé afe-ta ema ida-nia dignidade (feto eh mane), hanesan halo observaun ka komentáriu seksuál, hatudu pornografia, husu favór seksuál, iha ne'ebé halo ema seluk ta'uk, moe, halakon amizade no hamosu instabilidade ba vítima.

Hahalok saida de'it mak konsidera nu'udar asédiu seksuál?


Hahalok sira ne'ebé sai nu'udar ezemplu husi asédiu seksuál mak, hanesan:

- Halo relasaun seksuál ho ema seluk;
- Iha kualkér tipu intimidade seksuál ho ema seluk;
- Hakuak eh re'i ema seluk eh kaer hali-

mar fuuk eh ema seluk nia isin-lolon;

- Kose isin lolon kona ema seluk nia isin-lolon;
- Haka'as ema seluk atu kaer nia isin-lolon;
- Hatudu orgaun jenítal ba ema ida eh ba ema grupu ida; Halo jestu seksuál ho liman eh ho movimentu isin-lolon nian;
- Husu eh ezije kualkér aktu seksuál eh favór seksuál;
- Konvida hodi sai hamutuk ( hodi halo enkontru);
- Halo lian hanesan ema re'i eh jestu ruma ne'ebé hanesan manda beiju (re'i);
- Konta lia bosok eh halo rumores kona-ba vida seksuál ema ida-nian;
- Halo pergunta kona-ba vida seksuál ema seluk nian;
- Diskuti vida seksuál ema ida nian ho ema seluk;
- Husu kona-ba fantazia seksuál sira, preferénsia seksuál eh istória seksuál ema seluk nian;
- Diskuti tema seksuál sira;
- Halo komentáriu seksuál kona-ba ropa, anatomia eh aparénsia ema ida nian;

- Provokasaun seksuál sira eh konta anedota ho teor seksuál;
- Halo komentáriu seksuál sira insinuação sexual eh linguajen ho konotasaun seksuál;
- Haruka karta eh mensajen eskrita ho konotasaun seksuál eh ne'ebé natureza seksuál;
- Hatudu materiál eh rekursu sira ne'ebé bele haree no seksualmente sugestivu;
- Hakfu'ik eh haruka piropos (lia-fuan domin) ba ema seluk.
- Asédiu seksuál klasifika ba kategoria hira?
- Asédiu seksuál, tuir infrasaun dixiplinár, klasifika ba kategoria tolu, hanesan:
- Asédiu Seksuál ho Infrasaun dixiplinár kmaan: mak pratika asédiu ne'ebé halo ho natureza verbál de'it.
- Asédiu Seksuál ho infrasaun dixiplinár moderadamente grave: mak prátika asédiu seksuál ne'ebé halo ho fora fízika, verbál eh lae verbál, ne'ebé komete ho repetisaun durante períodu tempu significativu ka



prátika neébé hamosu problema emosional, psikolójiku, sosiál, ekonómiku eh seluk ba vítima.

- Asédiu seksuál ho infrasaun dixiplinár grave: prátika asédiu seksuál neébé envolve kualkér tipu ameasa, inklui ameasa ekonómika ba vítima eh ema ruma mak iha relasaun besik ho nia eh kualkér mambru husi ninia família, eh prátika neébé uza intimidasaun, forsa fízika ka violénsia, neébé bele konstitui kualkér krime agresaun seksuál, abuzu seksuál eh eksplorasau seksuál.

Iha ka lae prosedimentu ruma neébé bandu prátika sira kona-ba asédiu seksuál iha instituisaun sira Administrasaun Públika nian?

Dezde fulan-Agostu tinan 2017, iha ámbito instituisaun sira Administrasaun Públika nian, vigora (aplika) ona Orientasaun n.o 12/2017, loron 9 fulan-Agostu, neébé defini regra sira kona-ba Prevensaun no Kombate ba Asédiu Seksuál iha Funsau Públika, nunêe mós Manuál Operasionál “Lae ba Asédiu Seksuál iha



Funsaun Públika’.

Sé de’it mak bele sai vítima husi asédiu seksuál?

Vítima husi asédiu seksuál bele fetu eh mane no bele funcionáriu públiku, ajente Administrasaun Públika eh kualkér traballadór seluk ruma, nuneê mós kualkér ema seluk ruma (fetu eh mane) neêbé la integra iha instituisaun sira administrasaun públika.

Iha fatin neêbé mak labele pratika asédiu seksuál?

Prosedimentu neêbé temi iha leten, la permite funcionáriu públiku eh ajente Administrasaun Públika ida atu hamosu prátika sira asédiu seksuál nian, tantu iha instituisaun sira Administrasaun Públika nian, nuneê mós iha kualkér fatin seluk ruma fora husi instituisaun sira, iha kualkér loron eh oras servisu nian



eh fora husi ne'e.

Prátika sira kona-ba asédiu seksuál hamosu violasaun ba lei nasional no internasionál ruma?

Prátika sira kona-ba asédiu seksuál, aleinde, hamosu violasaun ba orintasaun ne'ebé temi iha leten, viola mós Konstituisaun RDTL no lei nasional sira ne'ebé bandu diskriminasaun no garante respeito ba dignidade umana, igualdade entre mane no feto, direitu umanu no liberdade fundamentál sira ema hotu nian, inklui liberdade pesoál no seguransa ida-idak nian no direitu ba kondisaun servisu ne'ebé justu no favorável.

Aleinde violasaun sira iha leten, konstitui mós violasaun ba Convenção sobre a Eliminação de Todas as Formas de Discriminação contra as Mulheres (CEDAW), bainhira feto ida mak sai nu'udar vítima, tanba artigu 1.o husi konvensaun ne'e defini katak asédiu seksuál, hanesan forma violénsia ida bazeia ba jéneru.

Pena saida de'it mak funsionáriu públiku eh agente Administrasaun Públika ida hetan, bainhira hamosu prá-tika sira kona-ba asédiu seksuál?

Funsionáriu públiku eh agente Administrasaun Públika ida mak komete prátika sira asédiu seksuál nian bele



hetan pena administrativa dixiplinár nomós pena sira kriminal nian husi Tribunál kompetente.

Eskala pena dixiplinár saida de'it mak funsionáriu ida bele hetan sé komete asédiu seksuál?

Funsionáriu públiku eh ajente Administraun Públika ne'ebé komete asédiu seksuál, sei prosesa tuir prosedimentu dixiplinár mak vigora no bele hetan pena dixiplinár tuir grau kulpa mak komete, hanesan: repreensaun eskrita, suspensaun, inatividade & demisaun.

Sé mak bele hato'õ keixa ida kona-ba asédiu seksuál? Kualkér ema ida (funsionáriu, ajente eh la'ós) ne'ebé iha koñesimentu ba prátika sira asédiu seksuál komete husi funsionáriu públiku eh ajente Administraun Públika ida, bele hato'õ keixa hodi ezije ninia responsabilidade.

Oinsá atu hato'õ keixa iha kona-ba asédiu seksuál nian?

Keixa bele hato'ò pur eskritu diretamente ba KFP eh liuhusi instituisaun ne'ebé funsionáriu eh ajente integra bá. Aleinde, forma ne'e, keixa bele hato'ò mós liuhusi sistema keixa online, liuhusi Chatbot Rosa.

Iha ka lae prazu limite hodi hato'ò keixa ida hasoru funsionáriu ida mak pratika asédiu seksuál?

- Keixa ida kona-ba assésio sexual tenki apresenta iha prazu tinan-rua nia laran konta hahú loron ne'ebé akontese.
- Sé vítima ida la apresenta keixa ida iha prazu refere tanba ameasa eh intimidasaun husi infratór, períodu ne'e sei konta hahú hosi ameasa eh intimidasaun ne'e hotu.
- Bainhira assédio abranje aktu sira ne'ebé komete durante períodu tempu ida,períodu tinan rua ne'e konta hahú loron ida ne'ebé komete aktu ikus-liu, no keixa tenki envolve aktu hotu ne'e, independentemente husi aktu balu ne'ebé komete aleinde tinan rua.
- Se aktu assédio sexual mós konsidera hanesan infrasaun penál ida no prazu hodi hahú asaun kriminal ida ne'ebé prevee iha lejislasaun penál ne'ebé liu husi tinan rua, prazu ne'e mós aplika ba apresentasaun keixa ida ba assédio sexual.

Tanba sá mak Estadu hatuur medida sira atu prevene no kombate asédiu seksuál?

Prevensaun no kombate asédiu seksuál mak forma ida atu promove funsionáriu públiku no ajente Administra-saun Pública, hodi hatudu respeito ba direitu umanu, tane aas prinsípiu no valór sira Estadu Direitu Demokrátiku nian, sai modelu integridade pesoál, autenticidade no onestisidade hodi kontribui ba reputasaun Funsau



Públika nian, hatudu komportamentu ezemplár, lahamosu kualkér intimidasaun eh diskriminasaun iha relasaun servisu kada loron.

Sé mak bele komete assédio sexual no hasoru sé?

Prátika sira kona-ba asédiu seksuál bele komete hosi kualkér funsionáriu públiku, ajente administrasaun públika eh traballadór sira seluk ho vínku-lu espesífiku ruma, hasoru kualkér ema.

Saida de'it mak sai nu'udar devér diretór eh xefe ida nian, bainhira iha koñesimentu ba funsionáriu ruma mak komete asédiu seksuál?

Nu'udar devér Diretór no xefe hotu nian ne'ebé iha koñesimentu ba práti-ka aktu assédio sexual atu denunsia ba Inspetór-Jerál instituisaun nian eh direta ba KFP kona-ba asaun ne'ebé apropiada.

Saida mak akontese sé diretór eh xefe ida mak iha koñesimentu ba prátika ida asédiu seksuál maibé la relata atu ezije responsabilidade?

Kualkér superior eh xefe departamentu ne'ebé tolera aktu assédio sexual

eh ho neglijénsia la denuncia ba entidade ne'ebé apropriadu, konsidera hanesan infrasaun dixiplinár ida no sei sujeita ba prosesu dixiplinár.

Referénsia sira:

- Orientasaun n.o 12/2017, loron 9 fulan-Agostu, ne'ebé defini regra sira kona-ba Prevensaun no Kombate ba Asédiu Seksuál iha Funsau Públika;
- Manuál Operasionál “Lae ba Asédiu Seksuál iha Funsau Públika”.
- Estatutu Funsau Públika

